



# 中國大事記

民國五年五月二十日

●皖軍退出湘境……皖軍司令倪毓棻。前奉中央命令率軍入湘。經湘省學次商准中央。令其撤退。倪軍遂遵命離湘。當皖軍退出之際。衡陽耒陽郴等縣。均先後為民軍所據。

同 二十二日

●四川宣告獨立……四川將軍陳宦。曾於本月三日十二日。疊次電致北京。請大總統退位。經政府復以妥籌善後。本日。遂通電中央及各省。略謂宦以庸愚。治軍巴蜀。痛念今日國事。非內部速弭兵爭。則外人必坐收漁人之利。亡國痛史。思之寒心。川省當滇黔兵戰之衝。人民所受痛苦極鉅。瘡痍滿目。村落為墟。憂時之彥。愛國之英。皆希望項城早日退位。庶大局可得和平解決。宦既念時局之艱難。又悚於人民之呼籲。因於江日徑電項城。懇其退位。為第一次之忠告。原冀其鑒此忱悃。迴易視聽。當機立斷。解此糾紛。乃覆電傳來。則以妥籌善後

之言。為因循延宕之地。宦竊不自量。復於文日為第二次之忠告。謂退位為一事。善後為一事。二者不可併為一談。請即日宣告退位。示天下以大信。嗣得覆電。則謂已交由馮華甫在兩京會議時提議。是項城所謂退位云者。決非出於誠意。或為左右羣小所挾持。宦為川民請命。項城虛與委蛇。是項城先自絕於川。宦不能不代表川人與項城告絕。自今日始。四川省與袁氏個人斷絕關係。袁氏在任一日。其以政府名義處分川事者。川省皆視為無效。至於地方秩序。宦有守土之責。謹當為國家盡力維持。俟新任大總統選出。即奉土地以聽命。并即解兵柄以歸田。此則區區素志。於私於公。以求無負者也。皇天后土。實聞此言。

同 二十三日

●任命署財政總長周自齊兼署鹽務署督辦

同 二十四日

●令四川將軍陳宦開缺來京籌商善後事宜……特任周駿為崇武



31424

將軍署督理四川軍務。曹錕督辦四川防務。張敬堯加將軍銜幫辦四川防務。仍充第二路司令官。

●特任劉體乾署理四川巡按使……原任黃國璋開缺。

●任命方樞爲法制局局長

●申令緩辦清丈清賦……令曰。前以中國田賦不均。久多弊累。

明令設全國經界局於京師。辦理清丈。以資整頓。後由部呈擬調查田畝整頓賦額辦法八條。先從近畿各地試辦。以次推及各省。原不欲以利民之政。轉爲厲民。嗣據河南官紳呈稱。辦理

諸多弊端。會飭令緩辦。其他各省舉辦清賦地方。間有因從事丈量。滋生事端。亦交令轉行諸省。體察情形。酌量緩辦。現

在各處民生彫劫。水旱洊臻。兵燹紛乘。閭閻重困。方拊循休養之不暇。若再於原安里井之衆。因此舉而稍有擾動。其何以保固邦本。康乂庶民。本大總統每一念及。爲之寢食不安。怒

焉如擣。著內務財政兩部。即將近畿清丈及清查田畝各事宜。暫行停止。各省有奉前令舉辦清丈清釐田賦者。亦著一律從緩

辦理。並各轉飭所屬官吏。撰示宣布。以安人心。仍將遵辦情形詳晰具覆。用副中央體恤民艱之至意。此令。

●申令清理官產分別緩辦……令曰。清理官產。爲稅外收入大宗。近歲以來。成效頗著。原應繼續進行。惟當此時局未寧。

深恐承辦人員。祇顧考成。操切從事。則人民易滋誤會。亂徒藉口造謠。是利國之舉。適爲病國之媒。關係良非淺鈔。自應分別辦理。以示體恤。現在近畿清理官產。應以實在未墾官荒

爲限。其民間業經墾熟之田。或漏未升科。或始係私墾。往往輾轉售賣。承業之主。屢易其人。耕闢之費。什百原數。繩以法例。則受罰者非原來冒墾。執法之徒。相似者尤共存奪舊予新之慮。奉行不善。驚擾實多。他如近畿王公府地旗地等。租佃易淆。輾轉難理。究其本末。實均地有所受。弊有所因。非無可原之理。凡如此類。均宜歸入將來經界事宜辦理。不在此次清理官產範圍之內。其原定官產處分條例內變賣租佃及墾荒內補交荒價一條。應暫從緩辦。此外各省區官產。有無似此情形。應否分別辦理之處。即由財政部咨商各省呈明核辦。用副中央子惠元元之意。此令。

●湘西鎮守使田應詔在鳳凰縣宣布獨立……湘西自黔軍侵入時。

鎮守使田應詔。即與黔軍密訂私約。嚴守中立。近見零陵獨立。各縣繼起。遂決計宣布獨立。自稱湘西護國軍總司令。以縣知事汪朝宗爲民政長。

●魯軍退出濰縣……山東第五師師長張樹元。據守濰城。與民軍東北總司令居正。疊次交戰。本月十五日。經該地紳商居間調停。議定和約十五條。約張軍於一星期內退出濰縣。將城讓與民軍。本日。張軍全隊退出。完全歸民軍管領。

同 二十五日

●黨人佔福建連江縣旋即退出……連江黨人吳適等。於本日率衆攻襲縣署。宣布獨立。自稱獨立軍司令。縣知事蔡樞。無力抵抗。當即逃匿。次日。由長門礮臺司令許濟川等率軍赴援。

當將全城攻克。

●民軍攻擊山東省城……山東周村民軍。於本日夜間。分隊攻擊濟南。經城內軍隊竭力抵禦。戰鬥竟夜。次早始行退去。兩方死傷頗衆。

同 二十六日

●任命權量代理交通次長

●陝西將軍陸建章退出省城……陝南鎮守使陳樹藩。在蒲城宣布獨立後。即率軍進逼省城。連克要隘。將軍陸建章。遣使議和。願繳納軍械離陝。惟要求由陳軍護送出境。當經允諾。陸遂於本日退出省城。由東關而出。當時陸衛隊與護送軍士。因誤會互相衝突。大起格鬪。致陸之家屬。紛紛逃散傷亡。陸仍寄寓陝省城內。

●湖北巴東警備隊譁變……武昌派駐巴東縣警備隊第五營。突於本日全體譁變。擁入巴東縣署。放出獄犯。切取官民財物。奔竄四散。

同 二十七日

●奉天將軍張作霖遇炸……張作霖於本日由日本車站迎日本中村都督。歸途突被人拋擲炸彈數枚。幸未受傷。僅傷斃馬弁及行人數名。

同 二十八日

31425 ●內務部呈准改設辦理選舉事務局……籌備立法院事務局及辦理國民會議事務局。前奉令歸併內務部兼辦。現內務部遵令歸

併。並更名爲辦理選舉事務局。擬定簡章。於本日呈奉批准。

同 二十九日

●宣布帝制議案始末……本日告令。據海軍總長劉冠雄巡洋回京。面稱帝制議案撤消後。羣言淆亂。謠論繁興。好事者借端煽惑。應難支離。請將關於帝制議案始末明白宣布。以釋羣疑等語。本大總統前於本年三月二十一日。特發明令。將上年十一月承認帝位之案。即行撤消。並以薄躬菲德。誠不足以感人。明不足以燭物。引咎自責。不欲多言。乃近來反對之徒。往往造言離奇。全昧事實。在污蔑一人名譽。倒是非之害小。而鼓動全國風潮。妨害安寧之害大。不得不將事實始末。明白敘述。宣布全國。以息謠煽而維治安。查上年各省區公民及滿蒙回藏公民王公等。先後赴參政院代立法院。請願改革國體。以本大總統之權限。雖不當向國民立法院。有所主張表示。然於維持共和國體。實爲當盡之職分。是以特派政事堂左丞楊士琦。代蒞立法院宣言。以爲改革國體。不合事宜。至國民請願。不外鞏固國基。振興國勢。民國憲法。正在起草。衡量國情。詳哲討論。當有適用之良規。是本大總統於國民之請願。實欲納諸憲法之範圍以內。制定憲法程序。既根於民國約法。則國體自在維持之中。旋經立法院據各省區公民及滿蒙回藏公民王公等請願書。建議政府。或提前召集國民會議。或另籌徵求民意妥善辦法。以爲根本解決。本大總統咨覆。以決定憲法。爲國民會議職權。俟覆選報竣。召集開會。以徵正確民意。蓋猶是以民

國憲法爲範圍之本意也。立法院復據全國請願聯合會全國公民代表團等再行請願。開會議決。按約法第一章第八條。中華民國主權。本於國民全體。定以國民代表大會決定國體。並議定組織法。咨請公布施行。查立法院原咨。本稱大總統咨覆。辦法已定。不敢輕議變更。特以尊重民意。重付院議。僉謂民心之向背。爲國體取舍之根本。該院議決投票。標題贊成反對。各代表本有自由之權。是立法院爲尊重民意而建立此項法案。本大總統自當如議公布。其時滿蒙各王公及各省區文武官吏等。仍請速定君主立憲。情詞摯切。迫不及待。本大總統又以改革國體。事端重大。輕率更張。殊非事宜。但約法所載中華民國主權。本於國民全體。解決國體。自應聽之國民。惟令以督飭所屬。維持秩序。靜候國民之最後解決。是本大總統不肯輕聽急迫之請求。而兢兢以正確民意爲從違。尊重國民主權之心。固可大白於天下。且迭有明令電諭。嚴誡各省區國民代表大會選舉監督等。遵照法案。慎重將事。勿得急遽潦草。致生流弊。並特派大理院院長董康。肅政史蔡寶善。夏寅官。傅增湘。麥秩嚴。稽查國民代表選舉。不合法格者。更正取消。本大總統尊重民意。務求正確。杜漸防微。尤無所不至。迨國民代表大會報送決定國體票數。全體主張君主立憲。又由各國民代表全體。推戴本大總統以帝位。並委託立法院爲總代表。願請正位前來。本大總統以約法內國民主權。本於國民全體。既經國民代表大會全體表決。在國體自無討論之餘地。惟於推戴一舉。自問功業本無

足述。道德不能無慚。又以民國初建。大總統曾向參議院宣誓。竭力發揚共和。今若帝制自爲。則是背棄誓詞。於信義無可自解。特將推戴書送還。並令熟籌審慮。另行推戴。以固國基。而在本大總統。則仍以原有之名義及現行之各職權。維持全國之現象。此不欲以帝位自居之心。昭然可見。國民代表大會總代表等。不諱鄙誠。僉謂無功薄德爲謙抑之過言。又謂當日誓詞。根於元首之地位。而元首之地位。根於民國之國體。國體實定於國民之意嚮。元首當視乎民意爲從違。民意共和。則誓詞隨國體爲有效。民意君主。則誓詞亦隨國體爲變遷。迫切願請。使本大總統無可倭避。祇得以創造宏基。事體繁重。不可急遽舉行。致涉疏率。飭令各部院詳細籌備。俟籌備完竣。再請施行。本大總統所以藉詞籌備不即正位者。蓋始終於辭讓初衷。未嘗稍變也。本大總統以誠待物。凡各官吏之推戴。容有不出於本衷。各黨派之主張。容不免於偏執。及各監督之辦理選舉。各代表之投票解決。容有未臻妥善完備之處。然在當時。惟見情詞敦摯。衆口同詞。本大總統既不敢預存逆臆之心。實亦無從洞察其他意。即今之反對帝制者。當日亦多在贊成之列。尤非本大總統之所能料及。此則不明不智。無可諱飾者也。滇黔兵起。本大總統內疚不遑。由參政院議決用兵。而國軍但守川湘。未嘗窮兵以逞。且憫念人民。寢饋難安。何堪以救國救民之初心。竟資爭利爭權之藉口。而願請正位。文電紛陳。特降令不許呈遞。並令提前召集立法院。冀早日開會徵求意見。以

期轉圜。繼念萬方有罪。在予一人。苦我生靈。勞我將士。羣情惶惑。商業彫零。撫衷內省。良用斐然。是以毅然明令。宣示將承認帝制之案。即行取消。籌備事宜。立即停止。事實本末。略具於斯。原案具存。可以復按。除將各省區軍民長。迭請改變國體暨先後推戴並請早正大位各文電另行刊布外。特此宣布。咸共聞知。此令。

●湖南宣布獨立……湖南將軍湯薌銘。前曾電勸袁總統退位未允。近日因皖軍業已出境。遂與桂粵兩省。磋商聯絡。於本日正式宣布獨立。並電致北京。與中央政府脫離關係。略謂自籌安會發生。樞府大僚。日以叛國之行爲。密授意旨。電言雨下。怵誘兼至。傀儡疆吏。奴隸國民。疇實使然。路人共見。薌銘忍尤含垢。皆裂冠衝。以卵石之相懸。每徘徊而太息。天佑中國。義舉西南。正欲率我健兒。共勤大舉。乃以瘠牛全力。壓我湖湘。左掣右牽。有加無已。現已忍無可忍。於本日誓師會衆。與雲貴粵桂浙陝川諸省。取一致之行動。須知公即取消帝制。不能免國法之罪人。薌銘雖有知遇私情。不能忘國家之大義。前經盡情忠告。電請退位息爭。既充耳而不聞。彌拊心而滋痛。大局累卵。安能長此依違。將士同袍。實已義無反顧。但使有窮途之悔悟。正不爲其豆相煎。如必舉全國而犧牲。惟有以干戈相見。情義兩迫。嚴陣上言。伏惟熟思審處爲幸。

同 三十日

31427

●特任張懷芝爲濟武將軍署督理山東軍務

東方雜誌

第十三卷

第七號

中國大事記

●浙江裁撤道尹……浙江省獨立政府。以道官制未經正式國會決定。道尹職權。又與新設民政廳重疊。遂於本日將錢塘會稽金華甌海四道尹一律裁撤。

六月 一日

●申令中國交通兩銀行紙幣依舊行使……令曰。前因市面金融緊迫。曾由國務院通令將中國交通兩銀行所發紙幣。暫停兌現。究係一時權宜之計。非不換紙幣可比。惟聞近來商民惶惑。弊竇叢生。於財政前途。大有關礙。現已飭國務院籌議辦法。以重市廛。所有該兩行紙幣。爲全國信用所關。本與現金無異。政府負完全責任。一俟金融活動。即照紙幣額面定數擔保。照常兌現。該商民等切勿妄生疑慮。務當依舊行使。用便流通而重國幣。即由各機關通飭一律遵照。此令。

●黨人在奉天西安宣布獨立……奉天自桓仁縣獨立後。黑山錦西繼之。先後均被解散。本日。黨人楊子元。又在西安宣布獨立。

同 四日

●山東民軍攻襲省城……山東黨人屢次攻擊濟南。均未獲勝。本日。又有數百人乘夜進攻。仍被守軍擊退。

同 五日

●安徽省城模範監獄罪犯越獄……安慶模範監獄內罪犯百餘名。本日夜間。突起暴動。幸經司法警察彈壓。始就鎮靜。當被逸去罪犯三十餘名。

五

8



同 六日

31428

●特任章宗祥兼署農商總長

●申令停緩地方苛細雜捐……令曰。近歲以來。水旱頻聞。瘡痍滿目。人民生計。日漸窘迫。而各項負擔。較前加重。徵收吏役。不免需索。其地方苛細雜捐。名目尤多。動滋擾累。每念民間流離困苦之狀況。時時觸於心目。不為謀減。其何以堪。除舊制賦稅釐金。暨各項新稅關係大宗入款者。仍照舊徵收外。其餘捐稅。收數無多。跡近苛細者。着財政部會商各省地方長官。各就地方情形查明。呈請分別停緩。以紓民困。此令。

●大總統袁世凱病故……大總統袁世凱。自前月以來。患神經衰弱之疾。日就沈重。遂於本日病故。遺令。民國成立。五載於茲。本大總統忝膺國民付託之重。徒以德薄能鮮。心餘力絀。於救國救民之素願。愧未能發摠萬一。溯自就任以來。晝作夜思。殫勤瘁盡。雖國基未固。民困未蘇。應革應興。萬端待理。而賴我官吏將士之力。得使各省秩序。粗就安寧。列強邦交。克臻輯洽。撫衷稍慰。懷疚仍多。方期及時引退。得以休養林泉。遂吾初服。不意感疾。寢至彌留。顧念國事至重。寄託必須得人。依約法第二十九條。大總統因故去職或不能視事時。副總統代行其職權。本大總統遵照約法。宣告以副總統黎元洪代行中華民國大總統職權。副總統忠厚仁明。必能宏濟時艱。奠安大局。以補本大總統闕失。而慰全國人民之望。所有京外文武官吏。以及軍警士民。尤當共念國步艱難。維持秩序。力

保治安。專以國家為重。昔人有言。惟生者能自強。則死者為不死。本大總統猶此志也。此令。

●黨人攻佔奉天與京昌圖……奉天黨人數百名。於五日猛攻與京縣城。城中兵隊抵禦不勝。遂被攻破。八日。經東邊道派兵進攻。黨人遂棄與京轉攻昌圖。復將縣城攻佔。

同 七日

●副總統黎元洪就大總統任……申令。元洪於本月七日就大總統任。自維德薄。良用兢兢。惟有遵守法律。鞏固共和。期造成法治之國。官吏士庶。尙其共體茲意。協力同心。匡所不逮。有厚望焉。此令。

●申令京外文武官吏仍舊供職……申令。現在時局顛危。本大總統驟膺重任。凡百政務。端資佐理。所有京外文武官吏。應仍舊供職。共濟時艱。勿得稍存諉卸。此令。

●申令擬議前大總統喪葬典禮……申令。民國肇興。由於辛亥之役。前大總統贊成共和。奠定大局。苦心擘畫。昕夕勤勞。天不假年。遘疾長逝。追懷首績。薄海同悲。本大總統患難周旋。尤深愴痛。所有喪葬典禮。應由國務院轉飭辦理人員。參酌中外典章。詳加擬議。務極優隆。用符國家崇德報功之至意。此令。

●陝西取消獨立……陝西都督陳樹藩。因袁總統病故。於本日電國務院宣告取消獨立。仍聽中央處分。

同 八日

●四川取消獨立……四川都督陳宦。前因退位問題。宣布獨立。現以黎總統就任。於本日電陳遵照獨立時宣布。取消獨立。服從中央命令。

●南京會議解散……江蘇將軍馮國璋。前因袁總統退位留位等重要問題。邀集未獨立各省代表。在南京會議。旋因意見紛歧。中途停頓。現以袁總統逝世。所議各事。已不成問題。各代表均散歸本省。會議遂即解散。

●任命田中玉署理察哈爾都統  
●廣東取消獨立……廣東將軍龍濟光。致電中央。稱於本日取消粵省獨立。服從中央命令。

●各省代表在徐州會議……南京會議散會後。長江巡閱使張勳。即邀各代表於本日在徐州會議。與會者有直隸奉天吉林黑龍江山西河南等省及京兆熱河察哈爾各代表。由張提出議案十條。當經議決散會。

●特任陳樹藩為漢武將軍督理陝西軍務兼署巡按使  
●舉行文官高等考試……特派江瀚為典試官。王鴻猷邵章為副典試官。周登皞張祥麟為監試官。李儻沈澤生唐桂馨汪東寶李景銘湯鐵樵陳宗蕃唐有恆為襄校官。沈澤生李景銘聲明迴避。改派陶德珉王彭。又派王景岐呂烈煌程遵堯張煜全魏渤為外交官領事官考試襄校官。

●裁撤海陸軍大元帥統率辦事處……申令。現在責任政府。亟應明定權限。以專責成。舊設之陸海軍大元帥統率辦事處。前經國務會議決定裁撤。應即實行。所有原辦事官。均歸陸軍部海軍部參謀本部。各就職掌範圍。分別辦理。此令。

●湖南寧鄉兵變……湖南寧鄉駐兵。因上下級兵弁。互相衝突。突起譁變。經都督湯壽潛派兵鎮壓。將亂首謝文彬捕獲正法。

31429  
●任命張士鈺為陸軍次長

●魯軍攻克安邱諸縣……安邱臨朐諸城各縣。前被民軍攻佔。自黎總統就職後。雙方接兵不動。近以各有誤會。魯軍發兵進攻。連克安邱等縣。當經政府電令停戰。

●任命權量署理交通次長……原任葉恭綽免職。  
●申令軍隊停戰……令曰。軍興以來。時越半載。民生塗炭。國本動搖。悼心時局。隱痛實多。本大總統依法繼任。自應力謀統一。丁此風雨飄搖。危機一髮。政綱如何整飭。國基如何奠安。萬緒千端。諸待推誠商略。苟利於國。政府無不開誠採納。立見施行。罷兵息民。最為先務。所有派出軍隊。着即一律停戰。並由該管部署。分籌辦法。剋期撤退。各該省軍政長官。各應嚴束所部。力衛地方。務期草木不驚。萑苻盡淨。倒懸之苦。庶其少瘳。此令。

●新任駐京俄使呈遞國書……駐京俄使庫朋斯齊。卸任歸國。俄國政府新任王爵庫達斯福為駐京公使。於本日覲見大總統。呈遞國書。

●滬杭鐵路照舊通車……自浙江獨立後。滬杭甬鐵路滬杭一段。停止開車。本日仍照舊通行。

●裁撤京畿軍政執法處……申令。京畿軍政執法處。應即裁撤。所有已結未結各案。交由陸軍部分別核辦。此令。

●駐京各國公使覲見大總統……各國駐京公使。於本日覲見大總統。吊唁故大總統薨逝。並祝賀新大總統繼任。大總統致辭答謝。

●滇粵軍在韶州衝突……李烈鈞率滇軍準備北伐。途經廣東韶州。與韶州鎮守使朱福全所部城內軍隊衝突。因起戰鬪。朱軍戰敗。當經廣東將軍與軍務院協議善後之策。

●准鎮安上將軍督理奉天軍務兼署奉天巡按使段芝貴免職